



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Apodixes, Sive Demonstrationes Tres Horrendarvm Blasphemiarvm Ecclesiae A Calvino Reformatae, Circa tres primos Symboli Catholici Articulos**

**Bosendorf, Hermann**

**Monasterii VWestphaliae, 1608**

Prima Thesis.

**urn:nbn:de:hbz:466:1-35415**



Quod autem intorquet carmen in Societatis homines, id verius elegantiusq; sic mutatum obiter leget:

*Non audet Strygius Pluto tentare, quod audet  
Caluinista atheos, plenaq; fraudis anus.*

Aut vt ipsius in dicendo libertate vtamur, sic poterit adhuc magis quadrari.

*Non audet Strygius Pluto tentare quod audet.*

*Vorstius effrenis, plenaq; fraudis anus.*

Sed ad rem, ad ipsas inquam theses nos accingamus, easq; primū integrè describamus, mox à calumnijs etiam ineptijsq; mendacibus Vorstij vindicemus.

#### PRIMA THESIS.

**D**EV M hunc Calvinus sibi, suisq; sc̄tatoribus transformavit in Diabolum, prout è schola Lutheri Heshusius, lib. de erroribus calu. è catu Calvinianorum Castalio lib. de prædest. è Catholicis Bellarm. Tom. 3. li. 2. c. 4. de amissione gratiæ & statu peccati. Maldonatus, in c. 2. Matth. Becanus Disp. an Deus sit author peccati, diligenter obseruârunt ac notârunt. Res dictu mira, sed probatu non difficilis. Age enim, qui eâdem Deum specie ac fulgine depingit, qua deturpatus Lucifer, ex angelorum pulcherrimo degeneravit in inferorum omnium terribissimum, an non Deum manifestè transfigurat, in Diabolum? At verò depinxit Deum suum suorunq; Luciferi coloribus Calvinus. Quid enim? Sathana illa in scripturis sunt lineamenta, ac nota propria: hominum mentes



mentes (positiue & voluntate actiua, non autem permissiua tantum) excacare, indurare, suisq; mendacijs decipere. Gen. 3. 3. Reg 22. Ioan. 8. eas ad prodigiones, rapinas, homicidia, extimulare, Ioan. 13. Osee 4. & 5. illis adulteria, incestus, & id genus fœda flagitia inculcare. Luc. 4. Matth. 4. Act. 5. I. corint. 7. Theff. 3. eas cribrare ac tentare. Luc. 22. Quicquid horum est, suo impingit Deo Calvinus. Ille potissima potentissimaq; causa est omnis omnino humane deceptionis; vt à quò omnis emanet efficacia erroris 1. Inst. c. 18. §. 2. ille fons & origo est vastationum, bellorumq; omnium: vt à quo appareat certa destinatione Assyrios fuisse impulsos (Ibidem) ad Iudæam igne ferroq; vastandam; ille conciliator & perpetrator est vniuersæ insande libidinis, vt qui detestabilem Absolonis incestum suum esse opus pronunciet. Expressit omnia simul nulla verborum vsus circuitione Princeps ac primipilus Calvinianorum Zyvinglius ferm. de prouid. Dei ca. 6. ad Cattorum Regulam scribens: Quando facimus adulterium aut homicidium (idem de alijs sceleribus est iudicium) Dei opus est motoris, authoris, impulsoris. Expressit eadem Calvinizans Melanthon in cap. 8. ad Rom. disertis verbis asserens: adulterium Dauidis & proditio Iudæ, ita proprium est opus Dei; sicut vocatio & conuersio Pauli.